

«ՎՐԱՍՏԱՆԸ» 100 ՏԱՐԵԿԱՆ Է

100-ԻՑ 30 ՏԱՐԻՆԵՐԸ «ՎՐԱՍՏԱՆԻ» ՀԵՏ ԵՄ

(Սկիզբը՝ 1-ին էջում)

Շատ է գրվել եւ ասվել «Վրաստանի» յուրահատուկ դերի ու նշանակության մասին: Հավանաբար հանդուրժողականության ավանդական արժանատիքն ունեցող Վրաստանում միայն կարող էր վավերացվել փաստ, որը ոչ պետական լեզվով լույս տեսնող թերթը նշում է առաջին համարի լույսընծայման 100-ամյա տարեդարձը: Թեպետ, դա պայմանավորված է նաեւ թերթի հետեւողական, հավասարակշռված քաղաքականությամբ: Բացեք թերթի ցանկացած տարվա ցանկացած համարը՝ միայն օբյեկտիվ, չափավորված, ժամանակին համահունչ ունեցողություն, նյութեր...

Անգիանատելի է «Վրաստանի» դերը վիրահայ համայնքի կյանքում: Այն ոչ միայն լուսաբանում էր համայնքի առօրյան, հուզող հիմնախնդիրները, հոգսերը, այլեւ հնարավորինս նպաստում դրանց կարգավորմանը, նշանակալի ավանդ ունենում ազգային փոքրամասնության հոծաբնակ շրջաններում պետական լեզվի ժողովրդականացման, Վրաստանի ազգությանը հայ

քաղաքացիներին վրաց հասարակություն ինտեգրվելու գործում:

Մեծ է «Վրաստանի» դերը նաեւ վրաց-հայկական ավանդական բարեկամության խորացման, ամրապնդման գործում: Այդ դերը առավել նշանակալի ու բացառիկ դարձավ Վրաստանի եւ Հայաստանի նորանկախ պետականության վերականգնման ժամանակաշրջանում: Եվ այդ տարիներին, տարածաշրջանում քաղաքական լարված իրավիճակի պայմաններում անգամ թերթը չդադարեցրեց իր ընթացքը կանխագծած ուղիով, հավատարմորեն ծառայելով իր առաքելությանը:

Համոզված եմ, որ առաջիկայում էլ «Վրաստանը» կշարունակի արժանիորեն կատարել իր շնորհակալ գործը:

Շնորհավոր հոբելյանդ, «Վրաստան», երկարակեցություն եւ ստեղծագործական նորանոր բարձունքներ խմբագրության աշխատակազմին:

ՄԻՄՈՆ ԿԻԼԱՉԵ

Միջազգային հարաբերությունների փորձագետ, «Վրաստան» թերթի հատուկ թղթակից

ՇՆՈՐՀԱՎՈՐ ՏՈՆԴ, ՄԵՐ ՀԱՐՅՈՒՐԱՄՅԱ ԲԱՐԵԿԱՍ

(Սկիզբը՝ 1-ին էջում)

Լինելով հայոց լեզվի եւ գրականության բազմամյա ուսուցչուհի՝ սերտ կապ ունեւ սերունդների հետ եւ ակնատես եմ ազգային ոգու, ավանդույթների, ազգային միատուկացի պահպանման ու փոխանցման կարեւոր գործում թերթի անուրանալի դերակատարմանը:

Ի դեպ, իմ աշակերտների ամենասիրած խորագիր «Հիշիր այս անունը», որը շատ է ոգեւորում նրանց:

Մառնեուլի մունիցիպալիտետի Աղբյուրի տարածքային միավորման պատգամավոր աշխատելու տարիներին վրաց կոլեգաներից հաճախ եմ լսել Վրաստանում ճանաչված քաղաքական, հասարակական գործիչ, ճանաչված լրագրող Վան Բայբուրջյանի հասցեին հղված բարձր գնահատականներ, ինչը, անկեղծ ասած, հպարտությամբ է լցրել հայ պատգամավորին:

Հարգարժան պարոն Վան Բայբուրջյան, Ձեր հնուտ ղեկավարության շնորհիվ, թերթը կատարում է իր առաջնահերթ

խնդիրը՝ ձեւավորում է հստակ ու հիմնավորված աշխարհայացք՝ ժողովուրդների ու մասնավորապես հայ ու վրաց ժողովուրդների բարեկամության պահպանման ու ամրապնդման ուղղությամբ:

Այսօր ապրում ենք խառնակ եւ ոչ ուրախ անակնկալներով լի տագնապալի օրեր, բայց եթե ավելի խառնակ օրերում «Վրաստանը» պահպանել է ճշմարտախոս տեղեկատուի ազնիվ դիմագիծը, ապա այսօր եւս, հավատում եմք, ուժ եւ իմաստություն կգտնի՝ դիմակայելու ժամանակի նետած մարտահրավերներին:

Արդ, «Վրաստան» թերթի ղեկավարին եւ բոլոր աշխատակիցներին մաղթում եմ քաջառողջություն, աննկուն կամք ու ավելի լավ ապագայի անսասան հավատ: Երկար կյանք ձեզ եւ ձեր թերթին:

ՄԻՂԱ ԽԱՉԻԿՅԱՆ

Մառնեուլի մունիցիպալիտետի Հանրային գյուղի համայնքի դպրոցի մանկավարժ, Աղբյուրի տարածքային միավորման մախկին պատգամավոր

ՏԱՐԻՆԵՐ ՇԱՐՈՒՆԱԿ «ՎՐԱՍՏԱՆԻ» ՀԵՏ

Մեր սիրելի թերթը 100 տարեկան է: Սա անչափ կարեւոր իրադարձություն է վիրահայերիս կյանքում: Թերթը նպաստում է հայաբնակ շրջաններում տեղեկացվածության բարձրացմանը: Շատերն են մեր երկրում տեղի ունեցող իրադարձություններին ծանոթանում «Վրաստանի» միջոցով: Թերթը վիրահայ ընտանիքներիս լիիրավ անդամն է, մեր կյանքի անբաժան ընկերը:

Մեծացել եմ Ադիգենիի շրջանում, վրացական միջավայրում, հաճախել վրացական դպրոց: Հայերենի հետ իմ կապը սերտացավ միայն այն ժամանակ, երբ ամուսնացա Նինոծմինյայի շրջանի Օրոջալար գյուղում եւ սկսեցի աշխատել տե-

ղի համայնքի դպրոցում: Ահա այստեղ ծանոթացա «Վրաստանի» հետ: Ու արդեն 57 տարի շարունակ ես ու «Վրաստանը» անբաժան ընկերների մեծ կապվել ենք իրար: 2 տարի է, ինչ էն աշխատում դպրոցում, բայց «Վրաստանի» հետ իմ բարեկամությունը շարունակվում է ու մախկին ուսուցչուհիս ժամանակա տրամադրում եմ մեր թերթին:

«Վրաստանը» տարիներ շարունակ նպաստել է հայ-վրացական հարաբերությունների զարգացմանն ու ամրապնդմանը: Հայալեզու հասարակությանը տրամադրել է ստույգ տեղեկատվություն, իրազեկ պահել մեզ՝ երկրում տեղի ունեցող օրենսդրական, կրթական, տնտեսական,

թե քաղաքական իրադարձություններին: Թերթում տեղ գտած նյութերն իրենց բովանդակությամբ բավարարում են ցանկացած տարիքի ընթերցողի հետաքրքրությունները:

Օգտվելով ինձ ընձեռնված հնարավորությունից, արտանք շնորհավորում եմ մեր թերթին, գլխավոր խմբագիր պարոն Վան Բայբուրջյանին, խմբագրության բոլոր աշխատակիցներին ու հայտնում իմ խորին շնորհակալությունը իրենց անաչառ աշխատանքի համար: Աստծո կամոք թող մեր թերթը հարատևի, աշխատակիցների ուժն ու եռանդն էլ կրկնապատկվի, որպեսզի շարունակեն ու պատվով կատարեն իրենց բաժին հասած ազգանվեր այս

գ ո ռ ծ ր :
Շնորհավորում եմ նաեւ «Վրաստան» թերթի ընթերցողներին: Շնորհավոր տոնդ, իմ «Վրաստան», իմ վաղեմի բարեկամ:



Խորսանուշ Չոգանդարյան

*Խորսանուշ Չոգանդարյան
Ուսուցչուհի, թոշակառու*

Նինոծմինյա, գ. Օրոջալար

ԸՆԴԱՌԱՋԵՆՔ ԱՄԱՆՈՐԻՆ



իրաժեշտ տալ գնացող Մետաղյա Ցուլին: Դրա համար՝ կեսգիշերից երկու ժամ առաջ, մտովի շնորհակալություն հայտնեք 2021-ը խորհրդանշող Ցուլին, հիշեք նրա բերած լավը, ներքե ու մոռացեք վատը: Հետո մանրամասն պլանավորեք Նոր տարվա անելիքները՝ նախեսառաջ՝ մենյուն եւ ամենելիք նվերները: Իհարկե, ցանկալի է այս ամենը թողնել վերջին երկու օրվան, այլ անել մինչ այդ:

ՎԱԳՐԻ ՔՄԱՐԱՆՈՒՅՔՆԵՐԸ

Ցան գլխավոր գարդը, իհարկե, պետք է լինեն տարին կառավարող կենդանու պատկերով զարդաքանդակները եւ՝ տոնածառը: Ի դեպ, նկատի առեք, որ Վագրը չի սիրում ոչ մի կեղծիք եւ արհեստականություն, ուստի աշխատեք՝ եղենին լինի բնական: Կարող եք նաեւ ծառի փոխարեն եղենու ճյուղեր զարդարել: Տոնածառի խաղալիքները շատ պետք է չլինեն, առաջնորդվեք՝ քիչ, բայց որակով սկզբունքով: Առավելությունը ջանացեք տալ նրբագեղ արժաթե եւ ոսկե գնդերին: Թող տան մեջ իշխեն երկնագույն, կապույտ եւ մուգ-մանուշակագույն երանգները: Վագրի աչքից ոչինչ չի վրիպում, եւ հարկ չկա նրա տրամադրությունը փչացնել թափփվածությամբ, փնթիությամբ ու անճաշակությամբ:

ՏՈՆԱԿԱՆ ՍԵՂԱՆԸ

Սեղանի համար ցանկալի է ընտրել զուլավոր ծածկոց՝ կապույտ եւ երկնագույն նրբերանգներով: Ցան-

ԻՆՉՊԵՄ ՊԵՏՔ Է ԴԻՄԱՎՈՐԵԼ ՎԱԳՐԻՆ

Հիշեցնենք, որ Սեւ Ջրային Վագրի տարին, ըստ արեւելյան օրացույցի, սկսվում է 2022 թ. փետրվարի 1-ին: Ըստ այդմ՝ մինչ այդ պահը նրան ողջունելը նրբանկատ քայլ է, դա կարող է հեռացող Ցուլին վիրավորել, իսկ եկողին, այս դեպքում՝ Վագրին, զայրացնել: Այնպես որ, ամեն ինչ պետք է անել իր ժամանակին:

Եվ որպեսզի Գալիք տարին հաջողություն բերի, պետք է ճիշտ

կալի է՝ ամեն մի ափսեի տակ դրվի մեկական մանրադրամ. դա կապահովի ընտանիքի ողջ տարվա ֆինանսական հաջողությունը եւ բարօրությունը: Սեղանի մեջտեղում պետք է լինի զանազան մրգերով լի սկուտեղը:

Քանի որ Վագրը սիրում է ուտել, ուստի թող սեղանը ծանրաբեռնեմ տարատեսակ ուտեստներն ու խմիչքներ-



րը: Եվ իհարկե, առաջնային դերը պետք է տալ մսին եւ մսեղեն ճաշատեսակներին՝ տոլմա, խորոված, քաբաբ, տհալ (ղաուրմա), խիճկալի, հավ...

Ինչ վերաբերում է խմիչքին, ապա այս տարվա բաժակները պետք է կայծկւտան ու փայլեն կարմիր, մուգ կարմիր, սաթի գույնի (բաց դեղնագույն) խմիչքներ-

րով: Ավանդական շամպայնի հետ՝ նաեւ գինի, կոնյակ, բայց դա չի նշանակում, որ պետք է չարաշահել սպիրտային խմիչքները: Քավ լիցի: Կարելուրդ՝ ամեն ինչում չափի զգացողության պահպանումն է: Ի դեպ, Վագրը սարսափելիորեն չի սիրում թունդ խմածներին ու հարբածներին:

Կարելուր է ուրախացնել նաեւ քաղցրասերներին: Ընդունելի են թե՛ արեւելյան, թե՛ եվրոպական չարագներն ու դեսերտները՝ չամիչով, չորացած մրգերով ընկուզեղեն, սերուցքով մրգեղեն: Լավ տորթը կշռի Վագրին, տարբեր տեսակի այլ թխվածքներն առավելապես կբարձրացնեն նրա տրամադրությունը: Մի՛ մոռացեք՝ որքան առատ լինի սեղանը, այնքան շեն կանցնի ձեր տարին, եւ Գալիք տարում ազատված կլինեք փողային խնդիրներից:

Վագրը չի սիրում տխրություն, ահա ինչու՝ խորիք, թե ինչպես եք զվարճացնելու ձեր հյուրերին, օր առաջ ծրագրեք պարերը, խաղերը, զանազան ժամանցները:

ԻՆՉՔԱՆ ՎԱՐ, ԱՅՆՔԱՆ ԼԱԿ

Ի՞նչ հագնել, ի՞նչ արդուզարդով դիմավորել Նոր տարին, սա տանտիրուհիների հավերժական հարցերից է:

Իդեալականը վառ գույներով, շերտավոր հագուստն է, զուրե ունեցող շարձերը, զուլավոր փողկապները, երկար հուլունքները...

Մի շատ կարեւոր հանգամանք. տարվա հովանավորը չի սիրում արհեստական գործվածքներ ու կտորեղեն: Միմիայն որակով եւ բնականը՝ մետաքս, բուրդ, թավիշ, քիշմիր եւ, իհարկե, մորթեղեն: Եթե ինչ-որ տեղ, ցեցից թաքնված մորթե գործետ (վզպատ) ունեք, ապա հանեք դարակից, որովհետեւ, ինչպես ասում են, նրա աստղային ժամը եկել է:

Եթե այս պատրաստություններով եւ, ամենակարեւորը, խաղաղ հոգով ու բարի հույսերով դիմավորենք Վագրին, նա ազնվորեն կհատուցի մեզ:

Պատրաստեց ՋՈՒԼԻԵՏԱ ԲԱՂԼՅԱՆԸ

COVID - 19

ԿԱՌԱՎԱՐՈՒԹՅԱՆ ԿՈՐՈՆԱՎԻՐՈՒՍՈՎ ՊԱՅՄԱՆԱՎՈՐՎԱԾ ԼԻԱԶՈՐՈՒԹՅՈՒՆՆԵՐԻ ԺԱՄԿԵՏԸ ԵՐԿՐԱՐԱԶԳՎԵՅՑ ՄԵԿ ՏԱՐՈՎ

Դեկտեմբերի 23-ին Վրաստանի խորհրդարանը եւս մեկ տարով՝ մինչեւ 2023 թվականի հունվարի 1-ը երկարաձգել է Վրաստանի կառավարության լիազորությունները՝ առանց արտակարգ դրություն հայտարարելու երկրում կորոնավիրուսի պայմաններում սահմանափակումներ սահմանելու օրինագիծը: Օրինագիծը դրվել է քվեարկության եւ ընդունվել 77 կողմ ձայնով: Օրինագիծն դեմ է քվեարկել 4 ընդդիմադիր պատգամավոր:

Կորոնավիրուսի համավարակի հետեւանքով խորհրդարանը 2020 թվականի հուլիսից կանոնավոր լիազորություններ է տալիս Վրաստանի կառավարությանը՝ սահմանափակելով սահմանադրական իրավունքները, ինչպիսիք են ազատ տեղաշարժը, պարետային ժամ սահմանելը, միջադարձային երթևեկությունն արգելելը եւ տարբեր հաստատությունների փակումը:

Յենց այս իրավունքից օգտվելով

միջգերատեսչական համակարգող խորհուրդը՝ վերջին միստում գիշերային ակումբներին կրկին իրավունք չի տվել վերսկսել աշխատանքը:

Վերոնշյալ լիազորությամբ կառավարությունն իրավունք ունի տուգանել քաղաքացիներին եւ ընկերություններին իր կողմից սահմանված սահմանափակումները խախտելու համար, իսկ հետագայում կարող է նույնիսկ քրեական պատասխանատվության ենթարկել նրանց:

ԿՈՐՈՆԱՎԻՐՈՒՍ. ԱՇԽԱՐՀՈՒՄ ՎԱՐԱԿՎԱԾՆԵՐԻ ԹԻՎԸ ԳԵՐԱԶԱՆՅՅԵՅ 278 ՄԻԼԻՈՆԸ

COVID-19-ի հաստատված դեպքերի թիվն աշխարհում հասել է 278 551 962-ի: Կորոնավիրուսի հետազոտական կենտրոնների տվյալների համաձայն, մահացածների թիվը գերազանցել է 5 401 376-ը: Ապաքինվել է 249 299 148 մարդ:



Վարակվածների թվով աշխարհում առաջին տեղում ԱՄՆ-ն է, որտեղ կա հաստատված 52 788 451 դեպք: Այստեղ մահացածների թիվը 834 455 է, երկրորդ տեղում Չինաստանն է, որտեղ հաստատված դեպքերի թիվը հասել է 34 772 657-ի, մահացածներից՝ 479 133-ի:

Վարակվածների թվով հաջորդ տեղում Բրազիլիան է: Այստեղ վարակվել է 22 226 573, մահացել՝ 618 228 մարդ: Մեծ Բրիտանիայում կորոնավիրուսով վարակվել է 11 767 262, վարակի հետեւանքով մահացել՝ 147 720 մարդ: Մեծ Բրիտանիային հաջորդում են Ռուսաստանը, Թուրքիան, Ֆրանսիան, Գերմանիան, Իրանը ու Իսպանիան:

Հայաստանում, ընդհանուր առմամբ, վարակվածների թիվը հասնում է 344 261-ի, մահացածներից՝ 7 939-ի, ապա-

քինվածներից՝ 329 983-ի:

Ադրբեջանում վարակվածների թիվը 613 059 է: Վարակից մահացել է 8 257, ապաքինվել՝ 591 724 մարդ:

Վրաստանում, վերջին տվյալներով, վարակվել է 920 617, մահացել՝ 13 367, ապաքինվել՝ 876 254 մարդ:

Դեկտեմբերի 24-ին կորոնավիրուսով վարակման 1 976 նոր դեպքերից 969-ը Թբիլիսիում է, Աջարիայում՝ 145, Իմերեթիում՝ 246, Քվեմո Քարթլիում՝ 88, Շիդա Քարթլիում՝ 117, Գուրիայում՝ 55, Սամեգրելո-Չենո Սվանեթիում՝ 117, Կախեթիում՝ 119, Սցխեթա-Սփանեթիում՝ 57, Ռաճա-Լեչխումիում եւ Քվեմո Սվանեթիում՝ 23, Սամցխե-Ջավախեթիում՝ 40:

Դեկտեմբերի 24-ի տվյալներով մահացել է 78 մարդ:

ՎԱՌՄՈՒՆ ԱՆՅՑ ԲԱՐԱՔԱՅԻՆԵՐ, ՈՒԶՈՐԻՄ ԵՔ ՄՏԱՆԱԼ 200 ԼԱՐԻ ՆՎԵՐ, ՄԻՆՉԵՎ ԸՆԹԱՅԻԿ ՏԱՐՎԱԾ ԴԵԿՏԵՄԲԵՐԻ 31-Ը ԴԵՌ ԺԱՄԱՆԱԿ ՈՒՆԵՔ՝ ՊԱՏՎԱՍՏՎԵՔ ԿՈՐՈՆԱՎԻՐՈՒՍԻ ԴԵՄ ԱՌԱՋԻՆԴԵՐԱԶԱԹՈՎ ԵՎ ՄՏԱՅԵՔ ՀԱՎԵԼԱՎՃԱՐԸ. ԴԻՄԵՔ ՊԱՏՎԱՍՏՄԱՆ ԿԵՏԵՐ, ԻՍԿ ՆԱԽՆԱԿԱՆ ԳՐԱՆՅՄԱՆ ՀԱՄԱՐ ԶԱՆՎԱԶԱՐԵՔ 1522 ՀԵՌԱՄՈՍԱԶԱՄԱՐԻՆ ԿԱՄ ԱՅՅԵԼԵՔ BOOKING.MOH.GOV.GE ԿԱՅՔ

ԱՄԻՐԱՆ ԳԱՄՂԵԼԻՁԵ. «ՕՄԻԿՐՈՆԻ» ԴԵՊԵՐԻ ՊԱՏՃԱՌՈՎ ՀԱՄԱՎԱՐԱԿԱՅԻՆ ԻՐԱՎԻՃԱԿԻ ԱՐԱԳ ՎԱՏԹԱՐԱՅՈՒՄ ԶԵՄ ԱԿՆԿԱԼՈՒՄ»

(Սկիզբը՝ 1-ին էջում)

Ամիրան Գամդրելիձեն ենթադրում է, որ համավարակային կայունացման միտումը կպահպանվի մոտ երկու ամիս:

- Նշվել է այս շտամի հետ կապված բավական արագ փոխանցվելու ունակությունը: Մոտ 3-4 անգամ ավելի արագ է տարածվում, երիտասարդ տարիքում ավելի հեշտ է վնասվում, նկատի ունեն՝ մինչեւ 40 տարեկանը: Նաեւ՝ երեխաների: Անկախ նրանից, թե մինչ այժմ կորոնավիրուսի դեպքեր են հայտնաբերվել, այսօր «Omicron»-ը հաղորդվել է ավելի քան 90 երկրներում, այն համեմատաբար թեթեւ ընթացք ունի, բայց, թե ինչպես կզարգանա առանձին դեպքերում, դեռեւս դժվար է կանխատեսել: Ինչ-



պես գիտեք, մեզ մոտ, ընդհանուր առմամբ, վերջին երեք շաբաթվա ընթացքում համավարակային իրավիճակը դանդաղ, բայց բարելավվում է: Այսինքն, բարելավվում են համավարակային իրավիճակին բնորոշ բոլոր ցուցանիշները, այդ թվում՝ մահացության մակարդակը: Կայունացման շարժման դիմամիկան շարունակվում է:

«Օմիկրոնի» մուտքով սահմանը չէր կարող պաշտպանվել, եւ

մենք սպասում էինք, որ այն կհաստատվի: Եթե ես պնդեմ, որ այն անմիջապես կազդի արդեն առկա իրավիճակի համավարակի վրա, այսօր կամ վաղը, ճիշտ չեմ լինի: Այդպես չի լինի: Կայունացման գործընթացը կշարունակվի որոշ ժամանակ, բայց, հավանաբար, առնվազն երկու ամիս կպահանջվի «Delta» շտամը այս նոր շտամով փոխարինելու համար: Տեսնենք: Քանի որ «Օմիկրոն» է նկատվել, համավարակաբանական իրավիճակի արագ վատթարացում չեմ սպասում: Չնայած արագ տարածման զարգացում է, իհարկե, կծանրաբեռնվի առողջապահական համակարգը: Հուսով եմք, որ դեպքերի հիմնական մասը կլինի ամբուլատոր,- ասաց Ամիրան Գամդրելիձեն:

ՀՈՒՆՎԱՐԻՑ ԱՄԲՈՂՋՈՒԹՅԱՄԲ ՊԱՏՎԱՍՏՎԱԾ ԿՀԱՄԱՐՎԻ ՈՉ ԹԵ ԵՐԿՈՒ, ԱՅԼ ԲՈՒՄՏԵՐ ԴՈԶԱՅՈՎ ՊԱՏՎԱՍՏՎԱԾԸ

Մեր առաջարկն է, որ հունվարից ամբողջությամբ պատվաստված համարվի ոչ թե երկու անգամ պատվաստված անձը, այլ նրանք, ովքեր կունենան բուստեր ղրգան,- այս մասին Համակարգող խորհրդի ավարտից հետո հայտարարեց Վրաստանի առողջապահության փոխնախարար Թամար Գաբունիան: Առողջապահության համաշխարհային կազմակերպությունը կոչ է անում հանրությանը չեղարկել տոնակատարությունները՝ կորոնավիրուսի «Օմիկրոն» տարբերակի տարածման ֆոնին:

Նրա խոսքով, այս փուլում երկրում երրորդ դեղաչափով պատվաստվել է 54 հազար մարդ:

- Այսպես կոչված բուստեր դեղաչափը համարվում է Omicron-ի տարածումը կանխելու հիմնական պաշտպանական մեխանիզմներից մեկը: Դրա համար էլ իմունիզացիայի խորհրդում քննարկվող մեր առաջարկն է՝ հունվարից լիարժեք պատվաստված անձ համարել ոչ թե կրկնակի պատվաստվածին, այլ նրան, ով ներարկել է այսպես կոչված բուստերը: Իհարկե, դա արագ տեղի չի ունենա,- ասաց Թամար Գաբունիան:

Նա քաղաքացիներին եւս մեկ անգամ կոչ արեց հե-

տելել հիմնական առաջարկություններին:

- «Օմիկրոնը» չի շրջանցի մեր երկիրը, եւ դեպքերի թիվը կավելանա: Մենք բոլորս պետք է գիտակցենք, որ նոր կտանգ իսկապես գոյություն ունի, եւ որ երկրում անհրաժեշտ է հետեւել հիմնական առաջարկություններին: Եթե հնարավորինս ավելացնենք պատվաստումների թիվը, խիստ սահմանափակող միջոցների կարիք չենք ունենա,- ընդգծեց փոխնախարարը:

Խորագիրը պատրաստեց ԱՐԵՎԻԿԱ ՄԱՆՈՒԿՅԱՆԸ

ԱՌՈՂՋԱՊԱՅՈՒԹՅԱՆ ՀԱՄԱՇԽԱՐՀԱՅԻՆ ԿԱԶՄԱԿԵՐՊՈՒԹՅՈՒՆԸ ԿՈՉ Է ԱՆՈՒՄ ԶԵՂԱՐԿԵԼ ԱՄԱՆՈՐՅԱ ՏՈՆԱԿԱՏԱՐՈՒԹՅՈՒՆՆԵՐԸ

Առողջապահության համաշխարհային կազմակերպությունը կոչ է անում հանրությանը չեղարկել տոնակատարությունները՝ կորոնավիրուսի «Օմիկրոն» տարբերակի տարածման ֆոնին:

- Չեղարկված միջոցառումն ավելի լավ է, քան դադարեցված կյանքը,- այս մասին հայտարարել է Առողջապահության համաշխարհային կազմակերպության գլխավոր տնօրեն Թեդրոս Ադհանոմ Զերեյեստուը: Ինչպես նշել է կազմակերպության ղեկավարը, անհրաժեշտ է «բարդ որոշումներ» ընդունել, ինչը որոշ դեպքերում նշանակում է միջոցառումների չեղարկում կամ հետաձգում:



- Մենք բոլորս հոգնել ենք այս համավարակից. Մենք բոլորս ցանկանում ենք ժամանակ անցկացնել ընկերների եւ ընտանիքի հետ: Բոլորն էլ ցանկանում են վերադառնալ նորմալ կյանքի: Դա անելու ամենաարագ ճանապարհն է բոլորիս՝ ղեկավարների ու շարքային քաղաքացիների համար, դժվար որոշումներ կայացնելն է, որոնք ընդունելի են մեզ եւ ուրիշներին պաշտպանելու համար: Որոշ դեպքերում դա նշանակում է միջոցառումների չեղարկում կամ հետաձգում: Ավելի լավ է չեղարկել հիմա եւ տոնել ավելի ուշ, քան նշել հիմա եւ սգալ ավելի ուշ,- ասել է Թեդրոս Ադհանոմ Զերեյեստուը:

Նշենք, որ ԱՄՆ-ում գերիշխող է ճանաչվել կորոնավիրուսի «Օմիկրոն» տարբերակը: Հիվանդությունների վերահսկման եւ կանխարգելման ազգային կենտրոնի տվյալներով, դեկտեմբերի 18-ի դրությամբ, ԱՄՆ-ում կորոնավիրուսով վարակվածների 73 տոկոսը ունեցել է «Omicron» շտամը:

Առողջապահության համաշխարհային կազմակերպությունն ասում է, որ «Omicron» տարբերակն ավելի արագ է տարածվում, քան «Delta» տարբերակը:

Նոր տարբերակի տարածման պատճառով որոշ երկրներ սահմանել են ճանապարհորդության եւ այլ սահմանափակումներ, այդ թվում՝ Ֆրանսիան եւ Գերմանիան: Նիդերլանդներում, սակայն, Սուրբ Ծննդի կապակցությամբ, խիստ արգելափակում է հայտարարվել: Լոնդոնի Թրաֆալգար հրապարակում ամանորյա միջոցառումը չեղարկվել է:

կանի հոկտեմբերին Հայաստանի Ազգային ժողովում Կրեյդի ունեցած ահաբեկչական գործողության զոհ դարձած ամուսնու անվան «Կարեն Դեմիրճյան» բարեգործական հիմնադրամը:

«Վրաստան» թերթի խմբագրությունը իր վշտակցությունն է հայտնում Սպեփան Եւ Լուսինե Դեմիրճյանների սիրելի մոր մահվան կայանախոսությամբ:

ԵԿԵՂԵՑԱԿԱՆ

27.12.2021 Սուրբ Պետրոս եւ Պողոս առաքյալների հիշատակության օր

28.12.2021 Սուրբ Որոտման Որդիների՝ Հակոբոս առաքյալի եւ Հովհաննես ավետարանչի հիշատակության օր

ԴԵԿՏԵՄԲԵՐ



29.12.2021 Բարեկենդան Սուրբ Ծննդեան պահոց

Սուրբ Ծննդյան պահքի Բարեկենդան անփոփոխ նշվում է դեկտեմբերի 29-ին, այսինքն՝ Սուրբ Ծննդից 7 օր առաջ: Սուրբ Ծննդյան պահքն իր մեջ ընդգրկում է նաեւ Նոր տարվա տոները մինչեւ հունվարի 5-ը՝ Սուրբ Ծննդյան ճրագալույցը:

ՄԱՅՐԱՔԱՂԱՔ

ՀԱՆՐԱՊԵՏՈՒԹՅԱՆ ՀՐԱՊԱՐԱԿՈՒՄ ԵՐԹԵՎԵԿՈՒԹՅՈՒՆԸ ԺԱՄԱՆԱԿԱՎՈՐԱԴՊԵՍ ԿԱԱՐՄԱՆԱՓԱԿԻ

Թբիլիսիի Առաջին Հանրապետության հրապարակում նախատեսված ամանորյա միջոցառման հետ կապված՝ դեկտեմբերի 22-ից հունվարի 1-ը ժամանակավորապես կսահմանափակվի երթևեկությունը:

Թբիլիսիի քաղաքապետարանի տեղեկատվությամբ, սահմանափակումը վերաբերելու է միայն Մ.Կոստավայի փողոցից Հանրապետության հրապարակ երթևեկող տրանսպորտային միջոցներին, իսկ Ռուսթավելի պողոտայից մինչեւ Առաջին Հանրապետության

քյան հրապարակ տեղաշարժն ազատ է լինելու:

Հասարակական տրանսպորտը կշարժվի հետեւյալ ուղղությամբ. N33, N31 ավտոբուսները եւ N457 միկրոավտոբուսը Ջավախիշվիլի փողոցից կշարժվեն դեպի Թբիլիսիի համերգասրահ, որից

հետո կշարունակեն երթևեկությունը Ռուսթավելի մետրոյի կայարանի ուղղությամբ եւ կշարժվեն սահմանված սխեմայով: Հակառակ ուղղությամբ նշված մեքենաների երթուղին կմնա անփոփոխ, հայտնել են Թբիլիսիի քաղաքապետարանից:

«ՄԱՆԿԱԿԱՆ ԵՎՐԱՏԵՍԻԼ - 2021»

ՀԱՅԱՍՏԱՆՑԻ ՄԱԼԵՆԱՆ՝ ԵՐԳԻ ՄԻՋԱԶԳԱՅԻՆ ՄՐՑՈՒՅԹԻ ՀԱՂԹՈՂ ՎՐԱՍՏԱՆԻ ՆԵՐԿԱՅԱՌՈՒՅԻՆԻԿԱ ՔԱՅԱԽԱՆ ԱՌԱՅԻՆ ՆԼՁՅԱԿՈՒՄ ԷՐ

Փարիզում կայացավ «Մանկական Եվրատեսիլ-2021» երգի միջազգային մրցույթի եզրափակիչ փուլը, որին մասնակցեց 19 երկիր՝ Գերմանիան, Վրաստանը, Լեհաստանը, Մալթան, Իտալիան, Բուլղարիան, Ռուսաստանը, Իռլանդիան, Հայաստանը, Ղազախստանը, Ալբանիան, Ուկրաինան, Ֆրանսիան, Ադրբեյջանը, Նիդերլանդները, Իսպանիան, Սերբիան, Հյուսիսային Մակեդոնիան, Պորտուգալիան:

«Մանկական Եվրատեսիլ-2021»-ում Հայաստանը ներկայացնող Մալենան, իր «Քամի, քամի» երգով, որը մրցույթի պաշտոնական Youtube-յան ալիքում հավաքել է ավելի քան 3.5 միլիոն դիտում եւ բացարձակ առաջատար էր, գրավեց առաջին տեղը:

Ըստ մրցույթի քվեարկության կարգի՝ մասնակցի երկիրը առցանց քվեարկության միջոցով կարող էր ձայն տալ նաեւ իր պատվիրակին: Քվեարկությունը մեկնարկել էր դեկտեմբերի 17-ից jesc.tv կայքում, որտեղ հնարավոր էր դիտել բոլոր մասնակիցների ելույթների նախնական տարբերակները: Քվեարկությունը տեւեց 15 րոպե: Հեռուստատիտոլի քվեմ վերածվեց միավորների՝ դառնալով մրցույթի արդյունքի մի մասը, մյուս մասը՝ ձեւավորվեց ժյուրիի գնահատականի հիման վրա:

Նշենք, որ ժյուրիի քվեարկության արդյունքում Հայաստանը զբաղեցրեց 3-րդ հորիզոնականը, իսկ հեռուստատիտոլի քվեարկությամբ 224-ով միավորով բարձրացավ առաջին հորիզոնականը: Երկրորդ հորիզոնականը 218 միավորով զբաղեցրեց Լեհաստանը, իսկ Ֆրանսիան 187 միավորով զբաղեցրեց 3-րդ տեղը: Զորրորդ տեղը զբաղեցրեց Վրաստանը՝ ներկայացնող Նիկա Քաջախան:



Նիկա Քաջախան



Կենտրոնում՝ Մալենան

Իսպանիայից, 5-ական միավոր՝ Վրաստանից, Մալթայից, 12 միավոր՝ Լեհաստանից, Պորտուգալիայից, 2-ական միավոր՝ Բուլղարիայից, Հյուսիսային Մակեդոնիայից, 6-ական միավոր՝ Ռուսաստանից, Ղազախստանից, Ալբանիայից, 7-ական միավոր՝ Իռլանդիայից, Ուկրաինայից, Նիդերլանդներից, 8 միավոր՝ Սերբիայից: Հայաստանը իր 12 միավորը տվեց Վրաստանի մասնակցին:

ԹԲԻԼԻՍԻՈՒՄ ԲԱՑՎԵՑ ԱՄԱՆՈՐՅԱ ՏՈՆԱԿԱՆԱՌ

Թբիլիսիի «Դեղա Էնա» այգում կանցկացվի Ամանորյա տոնավաճառ: Այն բացվեց դեկտեմբերի 24-ին եւ կգործի մինչեւ հունվարի 14-ը:

«Տաք հագնվե՛ք, մի՛ մոռացե՛ք գլխարկներն ու շարՖերը, դիմակներով թաքցրե՛ք ցրտից ձեր թեթեւակի կարմրած թթերը եւ միացե՛ք մեզ: Ձեր ձեռքերը տաքացրե՛ք գինով, իսկ նոր տարվա ցուրտ օրերը՝ ամենակախարդական իրադարձություններով», - ասված է տոնավաճառի գովազդում:

Ըստ նախատեսվածի, ամեն օր անց են կացվում միջոցառումներ, որոնք ուղղորդվում են երաժշտությամբ, հանդես են գալիս հայտնի խմբեր ու դիջեյներ: Միջոցառման կազմակերպիչները նշում են, որ պահպանվում են առողջապահության նախարարության կողմից սահմանված հակահամաճարակային կանոնակարգերը:



Նշենք, որ արդեն երրորդ տարին է, ինչ Թբիլիսիում անցկացվում է Ամանորյա տոնավաճառ: Այն իրականացվում է Թբիլիսիի քաղաքապետարանի եւ Քաղաքային տնտեսական զարգացման ծառայության աջակցությամբ:

		1		2		3		4		5		6
7								8				
						9						
10	11		12					13	14		15	
					16		17		18			
19		20		21								
	22						23	24		25		26
						27	28					
29	30		31			32						
	33							34	35		36	
					37	38						
39		40							41	42		43
				44		45			46			
47	48					49						
	50		51						52		53	
54						55					56	
			57						58			

Խ Ա Չ Բ Ա Ռ

ՀՈՐԻԶՈՆԱԿԱՆ. 7.Խուճեղիկ-մուճեղիկ գալ: 8.Որեւ աշխատության ամփոփ ներկայացում: 9.Բաշկորտոստանի մայրաքաղաքը: 10.Արտադրական ձեռնարկություն Հայաստանում: 13.Համետ: 18.Փափուկ հենարան գլխի տակ դնելու համար: 19.Քաղաք Սեբսիկայում: 22.Ուղարկել: 23.Որոշակի տարածություն, վայր: 28.Սփյուռքահայ անգլիագիր գրող ... Արլեն: 29.Ամենուրեք ասացույց: 32.Փշերից կազմված: 33.Անասունների չորացրած աղբ, վառելիք: 34.Ներել հարկադրել: 37.Գուցե: 39.Փոքրիկի աչքը: 41.Տրիտ: 44.Բնաշխարհիկ, տեղացի: 46.Ռուսական էստրադային խումբ «... Տրոլ»: 47.«Իսլամական Կոնֆերանսի երկրներ»: 49.Անջատ, ջուր: 50.Մաքուր, ազնիվ, անարատ: 52.Աշխարհի լավագույն դիզայներներից մեկը՝ Քրիստիան ...: 54.Տարփալից: 55.Որեւ ծրագրի ժամանակավոր տարբերակ: 56.Թբիլիսիցիների դիմելածեղ: 57.Մրսած թղթերին հագուրդ տալ: 58.Կարծր վառելանյութ:

ՈՒՂԱՆԱՅՆ. 1.«... ուլիկ, սիրուն բալիկ»: 2.Սուր, խավար: 3.Ուռնու ճկուն ոտ (թրք.): 4.Ձգոն: 5.Նամայացի որսորդ՝ Դերսու: ...: 6.Կաթոլիկ քահանա:

11.Կորովի, զորեղ: 12.Ամերիկահայ բանաստեղծ ... Դերենց: 14.Կուսակրոն քահանա: 15.Բացվածք, անցք, խոռոչ: 16.Կարծր ու ողորկ քար: 17.Միավորների միջազգային համակարգում պայծառության միավորի հնացած անվանումը (կր/մ²): 20.Հյուղակ, տնակ: 21.Կաթնամթերք: 24.Պետություն Ասիայում: 25.Հայաստանի ամենացածրադիր լիճը: 26.Քիմիական տարր, դեղնականաչավուն թունավոր գազ: 27.Սրտի զարկ: 30.Երկրորդ նախաճաշ: 31.Թեժ, կրակոտ: 35.Գրախոսային այգի: 36.Մահմեդականների հոգեւոր առաջնորդ: 37.Ամերիկացի մոդել, դերասան եւ պրոդյուսեր ... Սոմերիուդեր: 38.Երկարանալ, ձգվել: 40.Երրորդ դեմքի դերանուն: 42.Անգլիացի ֆուտբոլիստ Ուեյն ...: 43.Պետություն միջերկրական ծովի արեւելյան մասում: 44.Կղզի Կարիբյան ծովում: 45.Կանացիության եւ մայրության եզիպտական աստվածուհին: 48.Շվեդ բնագետ եւ բժիշկ ... Լինեյ: 51.Հայաստանի «Բարձրագույն որակավորման հանձնաժողով»: 52.Նավանորոգարան: 53.Մարմնի մաս:

Կազմեց ԷԼԼԱ ԱՌԱՐԵԿՅԱՆԸ

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 1.Ռեւազ: 4.Հելսինկի: 9.Կոն: 10.Արարել: 11.Մթնել: 13.Լեար: 14.Պի: 15.Իրմա: 16.Մարտ: 17.Սոփիկո: 20.Ոն: 22.Սալբի: 25.Աստղ: 26.Սեզ: 28.Պարս: 29.Տեսնել: 31.Ուտնակ: 34.Մաագա: 37.Լու: 38.Որոտան: 40.Եկա: 42.Վարակ: 44.Մանել: 46.Կոպ: 48.Թարմ: 49.Մանիր: 51.Սոնա: 52.Տա: 53.Չկա: 54.Աշտե: 56.Սիզ: 57.Գանա: 58.Սեթ:

ՈՒՂԱՆԱՅՆ. 2.Երան: 3.Արեւիկ: 4.Հոմերոս: 5.Ենթամա: 6.Իսլամ: 7.Իրկուսկ: 8.Պաթոս: 12.Նրա: 13.Լի: 14.Պիկասո: 18.Որդան: 19.Ոստան: 21.Արեսալոն: 23.Լսեմ: 24.Իգնատ: 27.Ալաշկերտ: 30.Եզ: 32.Տպավորիչ: 32.Կոտակ: 35.Սողոմոն: 36.Խորենացի: 39.Նա: 40.Եմա: 41.Ալմաստ: 43.Կոստան: 45.Աթանես: 47.Պո: 50.Ուրագ: 55.Շա:

1.Ռեւազ: 4.Հելսինկի: 9.Կոն: 10.Արարել: 11.Մթնել: 13.Լեար: 14.Պի: 15.Իրմա: 16.Մարտ: 17.Սոփիկո: 20.Ոն: 22.Սալբի: 25.Աստղ: 26.Սեզ: 28.Պարս: 29.Տեսնել: 31.Ուտնակ: 34.Մաագա: 37.Լու: 38.Որոտան: 40.Եկա: 42.Վարակ: 44.Մանել: 46.Կոպ: 48.Թարմ: 49.Մանիր: 51.Սոնա: 52.Տա: 53.Չկա: 54.Աշտե: 56.Սիզ: 57.Գանա: 58.Սեթ:

2.Երան: 3.Արեւիկ: 4.Հոմերոս: 5.Ենթամա: 6.Իսլամ: 7.Իրկուսկ: 8.Պաթոս: 12.Նրա: 13.Լի: 14.Պիկասո: 18.Որդան: 19.Ոստան: 21.Արեսալոն: 23.Լսեմ: 24.Իգնատ: 27.Ալաշկերտ: 30.Եզ: 32.Տպավորիչ: 32.Կոտակ: 35.Սողոմոն: 36.Խորենացի: 39.Նա: 40.Եմա: 41.Ալմաստ: 43.Կոստան: 45.Աթանես: 47.Պո: 50.Ուրագ: 55.Շա:

Գլխավոր խմբագիր՝ ՎԱՆ ԲԱՅԲՈՒՐԹՅԱՆ

Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՋՅԱՆ

Համակարգչային ծեւավորումը՝ ՏԻԳՐԱՆ ՍԻՐԱԴԵՂՅԱՆ

ԲՅՅՅՈ ՅՈՆԱՅՅՈՒՄ: ՄԺՅՈՒՄՈ 0105, ՃԱՄՐՈՅՈՒՄ ԺՅՅԱ 5.

Մեր հասցեն՝ Թբիլիսի 0105 Գ.Աթոնելի փ. 5

ԹՅՅՐ. Հեռ. 2990-739, 2990-774

www.vrastan.ge E-mail: vrastan.press@gmail.com

Գրանցման վկայական № 4 Կ - 1439

«ԿՈՆՈՐ» հրատարակչություն

«ՅՐԱՆԹԱՅՈ»

ՄԺՅՈՒՄՈ, ՆԱՅՅՈՒՄՅՈՒՄ

“ВРАСТАН”

Тбилиси, Грузия

<VRASTAN>

Georgia, Tbilisi

Индекс 66445